

平定準噶爾方略正編



漢書門			
八	八	一	五
號	函	架	冊
九	七	一	〇
〇	〇	〇	〇

內閣文庫			
八	八	一	五
號	函	架	冊
九	七	一	〇
〇	〇	〇	〇

廿廿  
五四

內閣文庫		
番號	漢	8815
冊數	100	( 54 )
函號	285	54



Kodak Gray Scale



A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







平定準噶爾方略正編卷之三十四

乾隆二十一年冬十一月戊申

淺草文庫

諭定邊右副將軍兆惠曉諭衆厄魯特等防守游牧

事宜。

上諭軍機大臣曰。據兆惠奏。接到派兵防範哈薩克

之旨。隨傳哈薩克錫喇尼瑪。吞圖布等。派兵二千

名。前赴軍營。會議防守等語。此奏辦理未協。前降



旨令兆惠將應否作何防範。及今歲應否進兵。哈薩拉克等處。悉心籌畫。如有未協機宜之處。卽據實奏聞。原未指定。卽於今歲進兵。卽發兵前往。現在兆惠所領索倫兵丁。儘可調遣。若哈薩克錫喇等。經年効力軍營。甫回游牧。豈可卽行調遣。使之僕僕道路。伊等能不缺望。且兆惠現奏。今歲不及進兵。而但以會商事務。竟行傳至軍營。更屬未合。

著卽傳諭停止。但令哈薩克錫喇等。在各游牧地方。加意防守。倘遇賊來侵犯。卽將游牧內移。使賊不獲搶掠。徒費往返。以疲其力。一面再派兵掩襲。始合機宜。兆惠卽遵照辦理。

已酉。

申諭定邊右副將軍兆惠等防範哈薩克事宜。與  
上諭軍機大臣曰。昨日兆惠等調遣厄魯特兵丁防



守未合機宜。已降旨詳悉訓示。從前達瓦齊據伊犁時。厄魯特等各游牧。俱在博羅塔拉地方。與哈薩克毗連。是以哈薩克人等。得以肆行搶奪。今各游牧俱移至博羅塔拉以南。則彼處地方。皆成閒曠。現在阿布賚及阿逆等。屢經擊敗。逃竄他往。大兵撤回後。不過回至伊舊時游牧哈薩拉克等處。必無力繞道前來滋擾。第防範不可不周。惟宜設

卡巡防。以備不虞。至我大兵往勦。卽緩至明春前進。未始不可。此時厄魯特各游牧。正應令其安居休息。以逸待勞。未可屢議調遣也。再伊等奏稱。道都托羅垓。巴顏阿璊二處。俱屬緊要。著每處派兵五百名。交哈寧阿。三格。帶領防禦。此外尚有應行防守地方。並著兆惠等。悉心籌辦。

搶掠臺站賊人綽克圖等。分別治罪。



喀爾喀公蘇巴什里等查拏搶奪臺站賊人綽

克圖等。請

旨分別治罪。交理藩院核擬具奏。得旨。綽克圖等二十人。著卽處斬。梟示。其從行二次之馬甲多爾濟。著卽處斬。所有爲從之達爾瑪等三百二十三人。并多爾濟扎卜等二十人。俱應照所奏擬絞。第念伊等皆係蒙古無知之人。誤聽隨行。

且所搶馬匹。俱如數交出。著加恩寬免。至圖謝圖汗雅木丕勒多爾濟等。不能約束屬人。本應議處。但旣將賊人查獲。牲隻亦如數追繳。加恩概予寬免。

庚戌。

諭定邊左副將軍成袞扎布移駐軍營各事宜。

上諭軍機大臣曰。北路科卜多等處。現在駐劄大臣



辦事將軍軍營。應移駐烏里雅蘇台。以便居中調度。著傳諭成衮扎布。俟擒青滾雜卜後。卽攜帶眷屬。前赴烏里雅蘇台駐劄。現在阿逆與阿布賚交結。明春必應發兵擒拏。第念喀爾喀人等連年効力軍營。不免勞頓。俱著回至各游牧休息。明歲毋庸調遣。惟由西路派兵辦理。並著成衮扎布。哈達哈等。曉諭喀爾喀王公等知之。

諭陝甘總督黃廷桂進兵擒拿阿逆事宜。

上諭軍機大臣曰。黃廷桂所奏調解西安馬匹摺內。有行文甘涼各處。俟其到時。沿途分撥。則皆知爲補缺之馬。不致啓人疑議等語。此亦何疑議之有。豈黃廷桂尚未深悉此事機宜耶。阿逆之負恩逃竄。罪在必誅。以國法論之。固不得不極力擒追。用示顯戮。以事理論之。尤不得不深籌勦獲。永絕根



株。前此降旨撤兵。不過暫令休息。俟一二年後。再  
爲相機酌辦。其實一切進勦事宜。仍當及時籌備。  
若竟任其遠颺。必致終貽後患。况準噶爾一事。實

皇祖

皇考未竟之緒。仰承

上蒼默佑。適值事有可乘。今伊犁等二十一昂吉。皆隸  
版圖。豈可留此遺孽。撓我已成之功。致貽將來之

患。阿逆從前尚不過子身遠颺。雖意其必將煽惑  
哈薩克。以圖狂逞。而勢難驟合。不妨徐爲之圖。今  
據順德訥所奏。則阿布賚已妻之以女。假之以衆。  
黨羽盤結。其必不能忘情於伊犁。已可概見。且以  
阿逆之窮凶極惡。反覆狡詐。將來亦安知不吞噬。  
阿布賚而悉奪其衆。逾致滋蔓難圖。是叛賊一日  
不獲。則伊犁一日不安。邊陲之事。一日不靖。大臣



平定通志卷之三四  
六  
以體國爲心。俱應籌辦。及此。至用兵之費。雍正年間。西北兩路。費至五六千萬。今自用兵以來。統計軍需。纔及一千七百餘萬。卽更有多費。而剪此凶頑。永救荒服。朕亦何惜。今所慮者。不過馬不足用。甘肅一省。屢經調撥。缺額自多。現今直隸購買馬五千匹。已降旨全數解往。將來卽再有需用之處。自當豫爲籌畫。正不必以此鯁鯁過計也。朕非舍

逸好勞。務勤遠畧。良以揆機度勢。斷無中止之理。旣已事在必行。自當明切宣諭。俾衆共曉。然於一勞永逸之意。所有辦理軍需事宜。屆期另當降旨。黃廷桂令其來京面諭。著將此先行傳諭知之。

辛亥。

恩擢軍營効力索倫總管畢里袞等。

上諭軍機大臣曰。據達爾黨阿等奏。索倫總管畢里







於軍營爲質。乃並不加意防守。致阿喇勒拜等先  
後逃脫。續經拏獲杭吉勒圖。又不卽行正法。仍復  
疎縱。辦理實屬玩悞。達爾黨阿及軍營叅贊大臣  
等俱著交部嚴加議處。

命拏解運糧遲悞遊擊堆齊來京治罪。

上諭軍機大臣曰。遊擊堆齊係解送口糧牲隻之員。  
沿途遲至數月。傷損牲隻甚多。且遇見達爾黨阿

遣往迎接之人。輒將口糧等項給與。伊卽回至巴  
里坤。實屬玩悞。著卽拏解來京治罪。

壬子。

命留哈薩克撤回兵丁於巴里坤。

上諭軍機大臣曰。據兆惠等奏。哈薩克撤回兵丁。除  
留伊犁外。餘兵七百名。已令回至巴里坤等語。著  
傳諭雅爾哈善。此項兵丁到日。卽將喀爾喀兵丁。



遣回游牧。其索倫察哈爾等兵丁。留在巴里坤酌量賞給口糧。聽候調遣。

申諭定邊左副將軍成袞扎布速擒青滾雜卜事宜。

上諭軍機大臣曰。成袞扎布等奏稱。遣往曉諭青滾雜卜侍衛巴圖孟克及曉諭旺布多爾濟之羅卜藏阿扎喇等。回至軍營。告稱和托輝特人等。皆知

青滾雜卜負恩叛逆。並不附從。青滾雜卜現帶兵前往托濟烏梁海等語。成袞扎布派員先往曉諭。辦理甚合機宜。著賞給荷包鼻烟壺。以示優眷。侍衛巴圖孟克。著有勤勞。著賞給副都統職銜。并銀一百兩。羅卜藏阿扎喇等。俱著賞戴孔雀翎。和托輝特人等。既知大義。不附逆賊。青滾雜卜隨從不。過四五十人。此時或已被旺布多爾濟擒獲。亦未



可定著卽行進兵勦捕。並曉諭烏梁海等協同擒  
獻逆賊卽可指日就俘。至所奏圖布慎赤倫明噶  
特特楞古特所屬人等。至克木齊克偷竊牲隻。請  
旨各遣回游牧等語。此時阿逆尚未就擒。伊犁地  
方亦多匪竊。若遽將此等人遣回。勢必互相搶奪。  
殊屬未便。計其人數無多。或分給喀爾喀等爲奴。  
或陸續解至察哈爾安插。著成袞扎布酌量辦理。

丙辰。

命派兵擒拏巴雅爾等。

上諭軍機大臣曰。昨據雅爾哈善等奏。布庫努特得  
木齊多爾濟等告稱。哈薩克錫喇尼瑪等。負恩謀  
叛。現擬領兵搶掠巴里坤。並擒拏噶爾藏多爾濟  
等語。朕尚疑爲未確。降旨諭雅爾哈善。李繩武等  
帶兵訪查。會同兆惠相機辦理。適又據和起遣人



告知巴雅爾哈薩克錫喇尼瑪莽噶里克等同謀  
爲逆情由。事已屬實。厄魯特等似此辜恩背叛。必  
應盡行勦滅。雅爾哈善等毋庸領兵前進。第宜安  
輯巴里坤地方。毋令衆心搖惑。並派兵加意防守。  
著傳諭哈達哈。卽由北路軍營。馳驛來京。面聆訓  
示。再往辦理。哈達哈所領索倫兵丁。現留烏里雅  
蘇台。著博爾奔察前往帶領。由阿濟必濟一帶。速

赴巴里坤。聽候調遣。軍行應需馬匹。著黃廷桂速  
行解往。雅爾哈善等。應卽選精兵二三百名。馳赴  
兆惠處。告知現在情形。並令兆惠卽率所部兵丁。  
回至巴里坤。沿途遇背叛賊人。悉行勦滅。倘哈薩  
克錫喇尼瑪等。並未與巴雅爾同謀。或旋行改悔。  
自陳罪狀。雅爾哈善等卽善爲慰諭。派委委員。解  
送來京。再沙克都爾曼濟等。現在巴里坤居住。其



情形如何。亦應詳加體察。如無別情。卽派伊等同往。勦賊。倘稍有可疑。亦當乘其不備。先行勦滅。雅爾哈善等務宜詳慎辦理。

諭定邊左副將軍成袞扎布詳察達什達瓦屬人情。形。

上諭軍機大臣曰。額林哈畢爾噶等處厄魯特等同謀叛逆。已派兵辦理。著傳諭成袞扎布等現在達

什達瓦屬人等。住居鄂爾昆地方。如果安靜無事。毋庸辦理。倘稍有可疑。卽著成袞扎布發兵前往。勦滅。其子女等俱賞給喀爾喀等爲奴。成袞扎布務宜詳慎辦理。

命侍郎裘曰修。馳赴西路軍營。辦理事務。諭陝甘總督黃廷桂派兵駐防巴里坤。上諭軍機大臣曰。巴雅爾等現在背叛。巴里坤地處。



邊要宜派兵前往駐劄。前令派安西綠旗兵一千  
名。交傅魁帶領前往。著再派一千名。令馬得勝卽  
隨後起程。如兵尚不足。黃廷桂仍豫爲派定。以供  
臨期調遣。所有現在辦理機宜。已命裘曰修馳赴  
肅州。面爲宣諭。黃廷桂卽遵照辦理。

命授博爾奔察爲內大臣。

上諭軍機大臣曰。博爾奔察帶領索倫兵。前往巴里  
坤。聽候調遣。著加恩授爲內大臣。同侍衛順德訥  
馳驛前往。

諭喀喇沁貝子瑚圖靈阿等。查辦齊木齊格特人等  
事務。

上諭軍機大臣曰。據瑚圖靈阿等奏。會同俄羅斯畢  
爾噶底爾雅古畢等。定議邊界事務。業經辦竣。其



俄羅斯奈瑪爾等入巴爾虎等界內偷盜馬匹一事。應俟俄羅斯撒納特衙門查辦等語。瑚圖靈阿等守候伊等撒納特衙門查辦盜賊。爲日尚久。毋庸在彼久待。卽著曉諭伊等撒納特衙門查辦明白後。行文理藩院再行辦理。瑚圖靈阿多爾濟卽會同濟福查辦齊木齊格特人等事務。至俄羅斯奈瑪爾等越境偷竊。前降旨伊柱領呼倫貝爾兵

丁五百名駐劄卡倫。聽候調遣。卽者伊柱加意稽查。並著傳諭黑龍江將軍綽爾多。派兵巡防。嚴緝

匪竊人等治罪。毋得任其脫逃。

命調陳弘謀爲西安巡撫。派甘肅巡撫吳達善赴巴

里坤承辦軍需事務。

命調吉林察哈爾等處兵丁赴巴里坤。

上諭軍機大臣曰。西路現需兵丁調遣。著傳諭吉林



上將軍額爾登。選派兵丁一千名。交滿福帶領來京。並著察哈爾總管等。選兵一千名。交端濟布、敏珠爾、多爾濟等。帶領來京。分起馳赴巴里坤。聽候調遣。命侍衛圖倫楚達禮善。馳驛前往巴里坤。聽候調遣。查戊午。命傳

諭扎薩克公額敏和卓防守事宜。

大學士管陝甘總督黃廷桂奏言。據扎薩克公額敏和卓呈稱。奉將軍和起檄調兵丁四百名。於十一月初一日。由魯克察克起程。隨同將軍行走。初六日。莽噶里克、尼瑪等率兵搶掠。將軍和起被圍。莽噶里克向衆厄魯特言。額敏和卓原係回人。暫令回至魯克察克。莽噶里克隨遣



人令其赴吐魯番。額敏和卓不甘從賊。託病未往等語。又據哈密副將祖雲龍稟稱。貝子玉素富。接額敏和卓來信。知莽噶里克背叛情形。莽噶里克之子白和卓。現在內地。適於是日由京抵哈密。未便遽令回巢。現在拘留防守等語。奏入。

上諭軍機大臣曰。據額敏和卓具報莽噶里克背叛情形。甚屬可惡。著傳諭雅爾哈善等。卽選派妥員。前往曉諭額敏和卓。伊係輸誠最久之人。感激厚恩。遣人報信。朕甚嘉予。伊身在賊中。實深軫念。現在甫從瓜州遷至彼處。諸務未經整理。豈有擒拏逆賊之力。如能誘擒莽噶里克。固屬甚善。俟奏凱後。其地方悉交伊管轄。倘力有不能。惟將駐劄地方嚴加防範。靜候內地大兵前往。卽可戡定。現已



調集各路兵丁。尅期前赴。著額敏和卓遵照辦理。  
至祖雲龍將白和卓羈留防守。甚合機宜。著傳諭  
黃廷桂。遇有總兵缺出。卽行請旨補授。  
命阿拉善貝子羅卜藏多爾濟領兵前赴巴里坤。  
上諭軍機大臣曰。前派兵擒拏青滾雜卜。降旨令羅  
卜藏多爾濟豫備兵丁。聽候調遣。嗣因北路兵丁  
已足敷用。傳旨停止。今西路尚需派兵。仍著傳諭

羅卜藏多爾濟於所轄兵丁內。選派五百名。馳赴  
巴里坤。其沿途應給車馬口糧。著黃廷桂等妥協  
豫備。

恩卹台吉額林沁多爾濟等。

上諭軍機大臣曰。據哈達哈等奏。台吉額林沁多爾  
濟。旺辰多爾濟等。進兵時出痘身故等語。額林沁  
多爾濟等。効力行間。遽爾溘逝。甚屬可憫。額林沁



多爾濟乃額駙策凌之子。著格外加恩。授伊子那蘇圖多爾濟公品級。承襲頭等台吉。仍賞銀二百兩。旺辰多爾濟無子。著施恩賞給伊家銀二百兩。庚申。申諭中外用兵事宜。

上諭大學士曰。前據兆惠奏。綽羅斯汗噶爾藏多爾濟報稱。扎哈沁游牧牲隻駝馬。爲巴雅爾搶掠。隨

令和起帶兵一百名。及回人莽噶里克。額敏和卓兩路兵丁。并檄調厄魯特兵前往擒拏。續據雅爾哈善奏。和起兵駐闕展時。尼瑪等所帶布魯古特都爾伯特。扎哈沁兵丁。約一千五百餘名。竟至操戈相向。而莽噶里克之兵。亦遂從後鼓譟。以致和起僅率親隨百餘人。徒步轉戰。身帶重傷。觀此。則是伊犁地方。又生一事端矣。貪殘好亂。反覆狡詐。



固屬準夷常性。然亦由阿逆未經擒獲之故。昨降旨黃廷桂。所謂叛賊一日不獲。則伊犁一日不安。邊陲之事一日不靖者。正爲此耳。現在巴里坤地方。已經添駐重兵。以資彈壓。并派調索倫察哈爾吉林等兵迅速前往。協力擒捕。其二十一昂吉中。如有爲其煽惑。妄思蠢動者。則移兵進剿。以安反側。而靖荒服。夫準噶爾夷衆。本非勁旅。前歲平定。

伊犁時。偏師直入。業已所向披靡。今該地又經阿逆蹂躪之後。凋敝已極。大兵所至。自可計日戡定。尚屬易於經理之事。特外間無識之人。又不免妄生議論。必謂此事原不當辦。卽經辦矣。仍復生變。何如不辦之爲愈。殊不思準噶爾之爲西北邊患。自有明迄今。垂四百餘年。我

皇祖。



皇考當噶爾丹噶爾丹策零等藩籬完固。兵力強盛之時。尚且屢申撻伐。以爲邊陲久安之計。朕仰承

鴻緒。上荷

天庥。適值該夷部落攜離。人心渙散之候。旣已機有可乘。而乃安坐失之。豈不貽笑於天下後世。亦何以

上對

皇祖

皇考在天之靈耶。此所以熟籌審計。實有萬不得已之苦心。非一時之好大喜功。開邊釁而勤遠畧也。若謂此事本不當辦。則當策凌等先後款關時。卽應拒而不納。然伊等窮蹙來歸。而竟絕之境外。在策凌策凌烏巴什等庸懦之人。尚不過失意而去。竊笑無能。至阿逆之兇暴殘忍。旣已無所歸依。必至搶劫滋事。其擾害於我喀爾喀諸部。又不知作何



景象矣。其究亦必至於用兵。則與其用兵於投誠之人。何如因勢乘便。俾得返其游牧。而各安生計乎。至阿逆之負恩逃竄。則又伊之自外生成。非可逆料。不得歸咎於從前辦理之非也。然朕辦理始意。亦惟欲按其四部分封四汗。衆建而分其勢。俾之各自爲守。以奉中國號令。聊示羈縻而已。乃伊等蠢愚無知。不能承受太平之福。以致自干勦戮。實非朕之本懷。豈此中實有

天意。故非人力所能與耶。况該夷地近西陲。雖定以疆界。准通貿易。而犬羊之性。久之亦難保其不生釁端。今卽重煩兵力。得以永靖邊圉。揆之事機。尚應斷然爲之。豈有已成之功。轉爲棄置之理。至於用兵之費。雍正年間。西北兩路。費至五六千萬。今自軍興以來。統計軍需。纔及一千七百餘萬。將來卽



更有多費。較之曩時。終屬減省。亦何惜焉。朕於此事。並非舍逸而好勞。實由於事勢之不可已。况人君日理萬幾。國計民瘼。實深乾惕。宵衣旰食。自是分內事。亦不專因軍書旁午。而始時厯憂勤也。和起効命疆場。捐軀報國。忠節可嘉。深為憫惻。著照傅清。拉布敦之例。加恩贈卹。並將此通行曉諭知之。

命獎賞大學士管陝甘總督黃廷桂等。

黃廷桂奏言。回人莽噶里克。與厄魯特等潛謀叛逆。經臣雅爾哈善等。將莽噶里克之子白和卓嚴拏拘禁。臣查哈密與吐魯番毗連。現在厄魯特及回人等。貿易貨物。在巴里坤。哈密往來出入者甚多。恐有潛通信息之事。應派兵嚴加防守。哈密雖有防兵二千名。然安設臺站。看守



卡倫。及分撥差使。坐守倉庫。其存城者不過一  
二百人。巴里坤兵丁。亦僅一千餘名。各項差委  
之外。存城亦屬無幾。卽密札安西提督傅魁選  
兵一千名。以五百名添駐哈密。五百名添駐巴  
里坤。但兵數尚少。若再向內地甘涼肅各營徵  
調。必至張皇。查有派赴巴里坤種地官兵五百  
名。及塔勒納沁種地兵二百名。原議明年二月

起程。亦令於此時先行起程。前往防守。更覺有  
益。再晉省解到駝隻。出關未久。若趕赴軍營。又  
須撥兵防護。已截留安西一帶牧放餵養。續調  
馬匹。未至軍營者。現咨商雅爾哈善等於附近  
哈密和暖地方。截留餵養。將來一有需用。卽可  
調往。而此時不卽趕赴軍營。亦可省撥兵防護  
之煩。至馬駝尚須豫爲籌辦。奉欽十一日



旨解馬五千匹。內安西馬一千匹。已於十一月初旬  
先後起程。計此時已抵軍營。陝甘兩省滿漢各  
營馬尚有四五萬匹。實可揀選三萬匹。已數次  
檄飭加緊飼餵。並不時差員查看。務期腴壯適  
用。但陝省各營與肅州相距遙遠。按站行走。卽  
需五六十日。長途趕送。易致疲乏。請將陝省滿  
漢營馬。先行調解來甘。令其陸續行走。至甘省

後分撥涼甘肅各營。交州縣官加意餵養。至陝  
省摘缺之數。應聽自行領價購買。如此則辦理  
從容。而馬匹亦可收實用。奏入。

上諭大學士曰。黃廷桂經理軍務。籌畫精詳。一切調  
度。甚合機宜。大臣能如此。明決擔承。實心體國。深  
可嘉悅。著賞給雙眼孔雀翎。並加賞騎都尉世職。  
令伊子承襲。雅爾哈善。吳達善等。宣力軍營。實心



辦事。雅爾哈善著賞給內大臣職銜。吳達善著賞給孔雀翎。以示獎勵。

諭辦解軍營駝馬事宜。

上諭軍機大臣曰。黃廷桂奏稱。陝甘滿漢各營。約可調馬三萬匹。檄飭加緊餵養。以備調用等語。現在派調察哈爾。吉林。及索倫兵丁。約計四千名。備馬二萬匹。即可敷兵丁乘騎之用。著卽照數挑撥。分

起陸續解赴巴里坤。約於明春二月內到齊。不致遲悞。至駝隻一項。前令方觀承購買一千隻。又豫備行營駝一千隻。解交明德轉送陝省。解往巴里坤。並著傳諭明德。再購駝千餘隻。解往備用。

辛酉。

諭籌辦軍營糧餉事宜。

上諭軍機大臣曰。現在派調各路兵丁。明春進勦。口



糧最關緊要。前黃廷桂籌辦軍需。曾請撥餉四五百萬。彼時以軍務將次告竣。未經准行。今雖不必如此多備。然亦須酌量足敷四五千兵之用。恐甘肅一省。不能猝辦。著將安西糧石。撥運巴里坤應用。再將山西歸化城糧石。撥運安西。以備接濟。河南麥麵。於軍需食用。亦為有益。并著多為運送。其應如何酌定數目。迅速辦運之處。著各該督撫詳

細咨商。妥協辦理。

十二月乙丑。

諭稽查臺站事宜。

上諭軍機大臣曰。蘇巴什里等奏。各處臺站。請交附近臺站各扎薩克台吉等管理。其總管臺站事務人員。每年於春冬二季。巡查兩次。以核功過等語。應如所請辦理。伊等每年巡查後。著於年終彙奏。



其有應行加恩。及議處各扎薩克台吉等。候朕分別酌量。以昭懲勸。

改丙寅。

諭安插輝特郡王策登多爾濟屬人事宜。

上諭軍機大臣曰。策登多爾濟奏請賞給口糧。以資接濟等語。伊等現從喀爾喀遷往。若賞給口糧。未免難於馱運。且伊等舊游牧地方。現在滋事。不能

安居。著傳諭阿蘭泰。卽令伊等赴烏蘭古木等處。給與耕種地畝。俟明年收成後。再行遷徙。其所需籽種。照達什達瓦屬人之例。交明德運往二百石。仍令阿蘭泰加意安撫。

丁卯。

諭都爾伯特汗策凌等防範哈薩克事宜。

上諭軍機大臣曰。哈薩克阿布賚等。雖被大兵兩次



擊敗。潛踪逃竄。今大兵旣撤。自必仍回巢穴。或乘  
間侵擾都爾伯特策凌等游牧。均未可定。前已降  
旨。令策凌等加意防範。或乘其不備。先發兵前往  
襲擊。使賊不得寧處。倘遇阿逆遣人前來煽誘。及  
偵探各處情形。卽著策凌等拏解來京。毋令脫逃。  
至策凌等奏請派員經理伊等游牧事務。伊等約  
束屬人甚屬妥協。毋庸再行派往。現在烏里雅蘇

台。及科布多等處。駐劄大臣辦事。離伊等游牧不  
遠。如有緊要事務。卽遣人往駐劄大臣處妥協商  
辦。其陳奏事件。亦卽交與轉奏。

戊辰。

命獎賞西路管理臺站人員等。

上諭軍機大臣曰。自巴里坤至京臺站。遞送文報。皆  
能迅速無悞。該管員弁。及臺站兵夫等。俱屬黽勉。



著該督撫查明請旨。分別議敘賞賚。以示鼓勵。  
上諭已已。大臣曰。自伊犁賊至京臺。故嚴設文籍。計  
申諭策楞玉保等擒賊不力罪狀。

上諭大學士曰。據雅爾哈善等奏稱策楞玉保由西  
路軍營拏解。途間遇厄魯特賊衆被害等語。從前  
令將策楞玉保拏解來京。特以伊等身係將軍叅  
贊大臣。專任擒拏逆賊。乃各懷私意。並不勇往向

前。卽如達永阿自阿逆處脫出。卽向玉保言阿逆  
相距僅隔一日程途。趨行卽可追及。玉保理應速  
行前往。乃並不追擒。祇令達永阿轉告策楞。以卸  
其責。維時策楞與玉保相距亦僅隔一程。而策楞  
又置若罔聞。託言無馬。徑回伊犁。試思兵丁馬匹  
卽使難得。策楞豈亦無乘騎之馬。且使果無馬匹。  
又何以將哈薩克錫喇遣往。而伊等又何以返至



伊犁耶。其意蓋以不能追及逆賊。罪尚可諉。若追及而不能擒獲。則罪滋大。是以如此故爲推卸。任其遠颺。其心尚可問乎。如伊等彼時以去賊不遠。奮勇直前。即使不獲成擒。朕亦必爲曲諒。乃已得逆賊實信。反心存觀望。坐失事機。致令逆賊免脫。罪實萬無可道。前降旨將伊等拏解來京。蓋欲審明情節。通行曉諭。明正其罪。今策楞玉保俱於途

次遇賊被害。在二人身獲重罪。固無足惜。然使將伊等解京。審明情節。旣可以顯彰國憲。亦可使共見朕心。今伊等惡孽滿盈。致干天譴。死於亂賊。假使伊等不如此推諉。受朕何等重恩。或奮勇追捕。逆賊雖未成擒。而身歿戰陣。朕亦必加以優卹。同爲一死。視今日之爲賊所害者。輕重何如耶。此皆不以國事爲重。挾私悞公。爲天所惡之所致也。著



將此通行曉諭。至同時被害。解送策楞。王保之官員兵丁。雖與陣亡者有間。然因公差遣。遇賊身亡。殊屬可憫。着查明交該部。將如何恩卹之處議奏。命解莽噶里克屬人色梯巴勒氏至肅州監禁。上諭軍機大臣曰。雅爾哈善等奏。拏獲莽噶里克。遣至哈密回人。色梯巴勒氏等。請旨卽行正法等語。色梯巴勒氏等。係莽噶里克所遣之人。聲言搶掠。

哈密巴里坤。搖惑衆聽。甚屬可惡。應照所奏辦理。第在彼處正法。莽噶里克聞知。易生疑懼。著解至肅州。交黃廷桂嚴行監禁。

辛未。

命獎賞哲卜尊丹巴胡土克圖。上諭軍機大臣曰。據成衮扎布奏稱。逆賊青滾雜卜。逃往齊斯吉特地方。已派納穆扎爾領兵追擒。不



日即可就縛等語。成袞扎布。辦理勇往。俟擒獲逆賊時。加恩優敘。至哲卜尊丹巴胡土克圖。於青滾雜卜煽惑衆喀爾喀時。卽齊集各部落王公等。申明大義。曉示利害。俾不爲逆賊所惑。深堪嘉予。著晉加敷教安衆喇嘛名號。賞給緞疋。派侍衛黑達色齋往。以示獎勵。其策登扎卜。策卜登等。與賊同謀。應一併治罪。著於擒拏青滾雜卜後。俱解送來

京候朕降旨。

丙子。

命白都訥副都統愛隆阿帶兵赴西路軍營。

上諭軍機大臣曰。白都訥副都統愛隆阿。奏請前往軍營効力。著照所請。會同滿福帶領吉林兵丁前往巴里坤。聽候調遣。



齊門里批離列臨嶽

軍營改改著照舊會同滿漢帶餘吉林共于前

王命軍辦大司曰白塔前隔薩蘇愛劉剛表請前赴

命白塔前隔薩蘇愛劉剛帶兵往西嶺軍營

丙午

京列州制計

平定準噶爾方略正編卷之三十五

乾隆二十一年冬十二月戊寅

定邊左副將軍成衮扎布奏報擒獲逆賊青滾

雜卜

上諭大學士曰據成衮扎布等奏稱叅贊大臣納穆

扎爾帶兵追捕叛賊和托輝特青滾雜卜於十一

月二十八日追至俄羅斯交界杭哈將噶斯地方



擒獲。現在派委官兵押解來京等語。和托輝特青  
滾雜卜。乃喀爾喀部落之人。自其祖父以來。世受  
本朝厚恩。卽此次用兵準噶爾。亦專爲保護伊等  
游牧久遠之計。伊旣奉派出師。自應倍加奮勉。力  
圖報効。乃與阿逆私相交結。竟自軍營逃歸伊部。  
將所有卡倫臺站。悉行撤回。復敢散布流言。多方  
引誘。朕早洞鑒。伊一人負恩背叛。不過曰取誅滅。

其衆喀爾喀等。必不致爲其煽惑。但此等逆賊。若  
不卽行擒拏。伊得竄身遠颺。致稽顯戮。亦何以彰  
國憲而昭炯戒邪。是以卽命親王成袞扎布。仍爲  
副將軍。董衆討罪。而親王成袞扎布等。奉命進剿。  
實心協力。迅速奏功。深屬可嘉。親王成袞扎布。著  
加恩賞給黃帶。封伊子一人爲世子。以獎忠勤。叅  
贊大臣納穆扎爾。帶兵追擒。一聞逆賊所在。疾馳



前進立爲掩獲。不致免脫。甚爲勇往出力。著加恩封爲一等伯。世襲罔替。其在事大臣官員。及蒙古王公台吉等。俱著交部從優議敘。又

諭喀爾喀王公等曰。前因逆賊青滾雜卜負恩叛逆。散布流言。爾喀爾喀王公等間有擅回游牧者。經朕降旨宣諭。爾等旋知悔悟。各奉職守。不致墮賊術中。今逆賊已經擒獲。其前此黨同附賊人等。應

分別治罪。以彰國法。第念喀爾喀王公等爲國家臣僕百餘年。誤聽浮言。致干罪戾。並非有心附賊。俱著施恩免其查究。嗣後益宜仰體朕恩。湔滌前愆。約束所屬。各安本業。永受太平之福。倘再罹法網。朕亦不能曲爲寬宥。勉之。

命額外郎中蘇章阿。管理達什達瓦所屬游牧事務。上諭軍機大臣曰。富森經理達什達瓦游牧事務。俱



工未妥協。著調往烏里雅蘇台。辦理糧餉事務。蘇章  
命阿著授爲額外郎中。遇缺卽補。前往達什達瓦所  
屬游牧地方。駐劄辦理。

已卯。

命叅贊大臣納穆扎爾查辦車臣汗部落事務。

上諭軍機大臣曰。青滾雜卜已經擒獲。軍營無應辦  
之事。所有車臣汗部落屬人齊木齊格特等。及該

部落肆竊爲匪人衆。伊等與俄羅斯接壤。易生事  
端。前已派瑚圖靈阿多爾濟等前往查辦。著再派  
納穆扎爾前往。會同巴扎爾什第德木楚克等。卽  
將此項人等。嚴行辦理。並著納穆扎爾帶侍衛四  
命五員。或於現在所撤索倫巴爾虎兵內調取五百  
名。或照前旨調呼倫貝爾兵丁五百名。聽其酌量。  
納穆扎爾到日。留濟福同辦事務。瑚圖靈阿多爾



濟俱著回京辦事。

辛巳。

命安西提督傅魁領兵應援額敏和卓。

上諭軍機大臣曰。據黃廷桂奏稱。額敏和卓遣子素賚滿。至哈密請兵救援。伊保護游牧。與賊相拒。靜候大兵前往等語。額敏和卓拒賊固守。甚可嘉予。著加恩封授貝子。伊子素賚滿。著賞給公品級。以

示獎勵。現在傅魁已抵哈密。馬得勝亦陸續領兵至彼。卽著傅魁選兵五百名。帶同素賚滿。馳赴額敏和卓游牧應援。務將莽噶里克設法擒拏。倘兵力不足。卽著額敏和卓帶領屬人。同傅魁回至哈密。俟大兵到彼。再行辦理。

命獎賞喀爾喀貝勒車木楚克扎布等。

上諭軍機大臣曰。此次擒拏青滾雜卜。喀爾喀貝勒







形如莽噶里克易於擒拏。仍遵前旨辦理。卽助兵屬實。亦係因救子起見。且伊於和起被困時。情罪可惡。不得少爲寬假。若果有效順之心。尙可暫爲羈縻。俟大兵至彼。再爲辦理。惟聽額敏和卓相機酌定。傅魁接到此旨。迅速前往。毋得遲悞。致失機宜。

命侍衛順德訥領兵先赴巴里坤。

上諭軍機大臣曰。內大臣博爾奔察。赴烏里雅蘇台。揀選索倫兵丁。前往西路進兵。著先派兵五百名。交與侍衛順德訥。卽速馳赴巴里坤。聽候調遣。

癸未。

命副都統唐喀祿等分駐地方。督辦事務。

上諭軍機大臣曰。北路軍營大臣。應分駐地方。辦理事務。科卜多地方。著唐喀祿。阿桂駐劄辦事。並著







邊右副將軍續改授叅贊與策楞玉保同事。因將策楞玉保致脫阿逆各情節。面加詢問。據伊奏稱。玉保前進時。卽慮及不能拏獲阿逆。向策楞商問。策楞令伊先行。隨後卽領兵策應。後知阿逆已經免脫。彼時營內只餘四五日兵糧。馬匹亦少。諒力不能追及。是以回至伊犁等語。玉保係領兵追捕之叅贊大臣。理宜竭力奮勇。務期必獲。乃於未去

之先。預存退縮觀望之意。其不肯勇往前進。已可槩見。至策楞身爲將軍。當聞阿逆免脫時。自宜兼程追捕。豈有反置之不問。復回伊犁之理。其意蓋以追及阿逆而不能成擒。獲罪滋大。若僅不能追及。罪尙可諉。其居心不良。朕早已洞鑒。又以拏獲額林沁爲足以委卸其罪。不復奮勇前進。卽以額林沁而論。伊係阿逆黨羽。年已衰邁。設欲用彼力



以擒阿逆。則當用計安慰。如無可用之處。應卽行正法。收其游牧。以濟兵力。外此更無他策。而策楞等心懷怯懦。不敢犯其游牧。復將伊誘至軍營。詐稱擒獲。實屬無恥。再烏爾登乃領隊大臣。與策楞玉保同在軍營。經朕召伊來京面詰。據稱聞阿逆脫逃之信。卽請發兵五百追擒。玉保策楞俱以伊妄希僥倖。置之不理。後伊隨同玉保前進。復請兵

追擊。玉保止發兵五十名。伊同額爾登額追至庫爾默圖嶺。僅餘二十八人。所騎駝隻。又俱疲乏。而阿逆於伊起行之日。已經過嶺。竄入哈薩克境內。等語。詢之扎拉豐阿。據稱屬實。核其情由。阿睦爾撒納初時之得以遠颺者。皆由策楞玉保等存心不良。罔顧國事。互相推諉所致。至於此次兩路進兵哈薩克。追擒阿逆。當分兵各進時。尙知奮勉。迨



至兩路會合。每至牴牾。更由伊等心存畛域。不以國事爲重。以致辦理一切。俱失機宜。種種悖繆。不勝枚舉。又核計其由哈薩拉克至伊什勒椿集地方。進兵時行走至五十日。迨至撤回。則又甚速。是追擒逆賊。反從容緩進如彼。撤兵回日。又迅速。遄行如此。所謂勤勞王事者。固如是乎。至於兩路大兵。屢敗哈薩克之後。揀選兵馬。前往擒拏阿逆時。

北路派出喀爾喀郡王策布登扎布。西路派出阿里衮。彼時達爾黨阿。哈達哈。扎拉豐阿。策楞等俱在一處。皆係將軍。乃四人內曾無一人同往。卽或於叅贊內派出。亦當派諳練蒙古情形。通曉蒙古言語之富德。唐喀祿等。若阿里衮。不惟於蒙古地方。不能諳練。且不通曉蒙古言語。乃令其與策布登扎布前往。是誠何心。是明知阿逆業已遠颺。斷



不能擒獲。故令阿里衮一往以圖了事。夫以朕所信用之將軍大臣。乃如此行事。朕實憤懣。再達爾黨阿聞被擄臺兵逃出。告知阿逆在前。伊並不竭力追擒。及遇哈薩克兵時。隊內忽有人來告。阿逆現在此處。俟阿布賚到時。卽行擒獻之語。達爾黨阿卽信而不疑。不卽進兵。久之賊衆分散。始覺其詐。追趕已屬無及。設當遣人來告之時。不爲所愚。

速行進擊。阿逆未必不可就縛。何竟受人欺誑。至於此極乎。至哈達哈在後隊守護輜重。營內報稱有賊人形迹。哈達哈卽遣巴圖魯侍衛奇徹布往追。據奇徹布報稱已見賊形。卽催大隊兵丁前進。而哈達哈並不星速前往。遲久始進。設彼時哈達哈能帶兵追及。一同攻戰。擒獲阿布賚。亦可與哈薩克換取阿逆。此又坐失事機之一端也。在達爾



黨阿哈達哈等。兩次攻戰時。朕亦非苛責其必能  
擒獲阿布賚與阿逆也。但機有可乘。而伊等才力  
不逮。存心不堅。以致屢失機宜。朕實惜之。又伊等  
奏請在哈薩拉克地方過冬。明年派兵一萬及馬  
匹數萬。駝隻數千等語。伊等寧不知如許馬駝。不  
能一時卽赴。縱使遄行。趨運而經歷長途。能保其  
必不疲瘦。而故爲此。具奏邪。蓋欲表伊等並無撤

兵之意。第以所需軍行駝馬。不能運送。不得已而  
撤兵。與伊等毫無干涉耳。伊等俱係朕加恩授爲  
將軍。叅贊之人。揆其伎倆。卽能和衷共濟。事之成  
否。尙在未定。似此不以國事爲要。懷私岐視。各占  
地步。又安望其奏功策楞。玉保罪孽滿盈。致干天  
譴。達爾黨阿哈達哈等。此次遠赴哈薩克地方。亦  
屬勤苦。使伊等協力辦理。卽不能擒獲阿逆。朕亦



必酌量加恩。乃各挾已私。深負委任。茲以其行走之勞。抵其應得之罪。不另加譴責。已屬朕格外施恩。將此通行曉諭中外知之。

丙戌。

定邊左副將軍成衮扎布疏奏。安插厄魯特人等事宜。

成衮扎布等奏言。臣奉

諭旨。因阿逆未經拏獲。所有來投厄魯特等。未便遣回原處。致滋擾動。仰見

睿慮周詳。但此等人。既不便盡遣至察哈爾安插。若果留在烏里雅蘇台當差。則又未識道路。不知法紀。亦屬無益。請於察罕度爾巴顏布拉克地方。令其耕種。派員管轄。毋許滋事。如蒙俞允。懇賞給籽種二百石。分給伊等。以廣



皇仁奏入。

上諭軍機大臣曰。成衮扎布辦理安插厄魯特事宜。甚屬妥協。第念此等人窮蹙來投。是以加恩安插。果安靜無事。則應給與籽種。令其耕種自給。倘稍有可疑。著成衮扎布卽行勦滅。或賞給喀爾喀等爲奴。毋得姑息滋事。

命免治貝勒策卜登罪。

上諭軍機大臣曰。據成衮扎布奏。貝勒策卜登從前擅回游牧。及擒賊青滾雜卜時。又托病未往効力。甚屬可惡。請革去貝勒。其應襲公爵亦不准伊子承襲等語。策卜登係喀爾喀舊人。年亦老邁。前曾著有勞績。若按律治罪。有所不忍。著加恩免其拏解來京治罪。并免其革去貝勒。至伊子齊旺多爾濟。或尙可造就。仍著賞給公爵。以觀後效。



丁亥。

命派哈密貝子玉素富屬人應援額敏和卓。

上諭軍機大臣曰。雅爾哈善等奏稱。哈密貝子玉素富。遵諭遣人寄信額敏和卓。令其相機辦理等語。玉素富甚屬可嘉。著賞緞四端。以示鼓勵。前命傅魁領兵五百名。前往額敏和卓游牧。如兵尙不足。著卽派玉素富屬人二三百名同往。伊等旣通語。

言。且識路徑。較綠旗兵丁有益。著雅爾哈善等遵旨辦理。

已丑。

命授烏爾登三等侍衛。仍著在乾清門行走。

恩擢軍營効力侍衛濟塞布等。

上諭軍機大臣曰。二等侍衛濟塞布等。此次効力軍營。甚屬奮勇。著加恩授濟塞布頭等侍衛。賞給清



巴圖魯名號。奎瑪岱。滿綽爾圖。老格。俱著授爲三等侍衛。奎瑪岱。賞給伊德爾巴圖魯名號。滿綽爾圖。賞給固濟爾巴圖魯名號。老格。賞給博克巴圖魯名號。並各賞銀一百兩。海林泰。占丕納瑪格。俱著授爲三等侍衛。賞銀三十兩。

命議敘遇賊奮勇副前鋒章京旺保祿等。

上諭軍機大臣曰。雅爾哈善等奏。副前鋒章京旺保祿及護軍校良音泰。海福等。解送軍營口糧。回至哈布塔克。拜塔克地方。遇賊五百餘人。斬馘二十餘人。突圍而回等語。旺保祿等遇賊奮勇。甚屬可嘉。著交部議敘。並著查明此次陣亡被傷人員。交部一體議卹。旺保祿卽馳赴來京。詢問情形。命免治圖。謝圖。汗雅木丕勒。多爾濟等罪。上諭軍機大臣曰。圖謝圖。汗雅木丕勒。多爾濟。當衆



喀爾喀擾亂之時。既不督令扎薩克等効力。伊子  
旺親多爾濟復帶兵擅回游牧。均應按律治罪。第  
念雅木丕勒多爾濟年已衰邁。前已將盟長副將  
軍革退。著加恩仍留王爵。旺親多爾濟著革去台  
吉。發往軍營効力。

庚寅。

申諭辦理莽噶里克事宜。

上諭軍機大臣曰。據黃廷桂奏。額敏和卓。主稱莽噶  
里克。送到噶爾藏多爾濟印文。令與呢嗎等同赴  
羅克倫。商謀叛逆。莽噶里克並未前往等語。此不  
過因伊子白和卓未回。謬爲恭順之詞。未可輕信。  
已令傅魁領兵。會同額敏和卓密商辦理。仍著傅  
諭傅魁。俟見莽噶里克時。卽諭知伊子現在肅州。  
並未加罪。伊或親赴肅州。卽行拏解來京。候朕辦



理。至噶爾藏多爾濟印文。俟奏到時查勘圖記。或係扎那噶爾布等捏造。或實係噶爾藏多爾濟謀爲不軌。立可查驗。彼時另行降旨。

辛卯。

定邊左副將軍成衮扎布等疏奏安插和托輝里特部衆事宜。臣奉

諭旨。著將青滾雜卜及策登扎卜屬人賞給。臣及臣弟策布登扎布暨桑寨多爾濟等管轄。臣等不勝感激。查和托輝特所屬有葉克和托輝特巴罕和托輝特明噶特哈柳沁托斯奢集努特等六鄂拓克。並烏梁海十六鄂拓克。此等皆屬無知聽從逆賊。後聞大兵將至。卽時解散。尙知感

皇恩戴



皇恩。倘蒙施恩。仍歸入和托輝特四旗之內。自必益加感戴。查旺布多爾濟係博貝嫡嗣。公多爾濟策登亦係博貝之姪。伊等並未附和逆賊。又和托輝特台吉達什彭楚克亦係博貝之姪。遣人報知逆賊背叛情由。尤屬誠心効力。請將和托輝特人等交與伊等管轄。至策登扎卜往投逆賊時。其台吉諾爾布率衆至烏里雅蘇台報知。又在各臺站供應馬駝。尙屬黽勉。請將諾爾布授爲扎薩克台吉。管轄策登扎卜屬人。如此辦理。則伊等不致分離。而旺布多爾濟等愈感聖恩。自必嚴加約束。奏入。

上諭軍機大臣曰。從前命將青滾雜卜等屬人賞給成衮扎布策布登扎布等管轄。因伊等辦理諸務。俱合機宜。用示獎賞。今據成衮扎布奏。請交與旺



布多爾濟多爾濟策登達什彭楚克等編設佐領。  
補授扎薩克嚴加約束一切安插事宜更屬妥協。  
著照所奏辦理。

壬辰。

駐劄巴里坤辦事大臣雅爾哈善等疏奏擒勦  
沙克都爾曼濟情形。

雅爾哈善等奏言臣等遵

旨詳察沙克都爾曼濟情形見其向內地設立卡倫。  
又屢遣人探聽巴里坤兵馬情形其屬人普爾  
普首伊與扎那噶爾布等潛通信息並令伊前  
赴巴里坤託病不至種種可疑顯有叛逆形跡。  
隨於十二月十六日派兵至伊游牧擒勦共斬  
賊衆四千餘人以杜後患其赴京支領俸餉之  
摩羅等尙未抵巴里坤已檄知沿途地方查拏。



所有博爾和津等應解往肅州。或應解京。又巴里坤地方。尚有布庫努特得木齊多爾濟所屬戶口二百餘人。應否送至察哈爾安插。俱候博諭旨遵行。奏入。

上諭軍機大臣曰。雅爾哈善等。察出沙克都爾曼濟背叛情形。卽領兵前往擒勦。辦理甚屬奮往。雅爾哈善前已補授內大臣。此次著同李繩武錫特庫

一併交部。照軍功議敘。丑達遇有總兵缺出卽用。其副將員缺。卽著叅將閔相師補授。其餘効力官員。查明一體交部議敘。博爾和津及摩羅等。俱著解送來京。多爾濟等戶口。俱照所奏送往察哈爾安插。

駐劄巴里坤辦事大臣雅爾哈善等。疏奏遣兵應援額敏和卓情形。



雅爾哈善等奏言。據額敏和卓之子素賚滿告  
知莽噶里克等謀叛情形。亟應發兵應援。復詳  
詢素賚滿。知莽噶里克。琿齊二人游牧。與魯克  
察克毗連。兵力無多。可以即時擒剿。惟巴雅爾  
游牧地方。路徑稍險。應先擒滅莽噶里克等。再  
行辦理。臣卽派副將丑達叅將。閆相師等領兵  
一千名。於十二月二十四日起程。前往魯克察

克一切與額敏和卓相機辦理。奏入。

上諭軍機大臣曰。雅爾哈善等據素賚滿告知賊人  
情形。卽派兵前往應援。額敏和卓所辦甚合機宜。  
昨傳諭令傅魁帶兵五百名前往。今丑達等旣帶  
兵一千名赴援。更屬有益。其傅魁所領兵丁。應否  
仍行遣往。聽雅爾哈善等酌量辦理。丑達等會同  
額敏和卓辦理莽噶里克之後。卽令駐劄吐魯番



防守毋庸進勦。巴雅爾倘巴雅爾領兵前來，卽行奮力擒拏。至此項兵丁大半皆係綠旗，究之不宜深入。卽使擒獲巴雅爾，亦令伊等駐劄過冬。一切事宜仍俟明春大兵前往辦理。

乾隆二十二年春正月甲午。

命成衮扎布爲定邊將軍。

上諭軍機大臣曰：現在齊集大兵前赴巴里坤，定期

三月內進勦將軍重任甚難，其人成衮扎布熟悉蒙古事務，且深感朕恩，誠心報効，著授爲定邊將軍。卽帶領索倫兵丁二三百名，由阿濟必濟前往巴里坤，並著賞給整裝銀五千兩。其子弟內有願帶往者聽其奏聞帶往。北路事務亦屬緊要，伊弟策布登扎布才情幹練，著暫行署理定邊左副將軍印務。此次進兵非初定伊犁可比，現在賊勢窮



感擒勦甚易。成衮扎布勤勞已久。應示體卹。俟進兵擒獲首惡之日。卽速來京。陛見。毋庸久駐行間。一切善後事宜。朕另派大臣等辦理。舒赫德、富德、鄂實俱著授爲叅贊大臣。色布騰巴爾珠爾、阿里衮、明瑞、額爾登額及侍衛舒布圖、鎧巴圖魯、奇徹布等俱著在領隊大臣上行走。

命傳諭都爾伯特汗策凌等防守游牧事宜。

上諭軍機大臣曰。大兵由西路進勦。哈薩克錫喇等勢窮力竭。或逃往哈薩克。亦未可定。著傳諭都爾伯特汗策凌等及內大臣阿克巴集賽、宰桑達什策凌各派兵防守游牧。並通哈薩克地方隘口。嚴加堵禦。倘遇賊人逃竄。卽行擒獻。此特爲保護伊等游牧起見。並非令其出兵會勦。著副都統唐喀祿親往策凌等游牧宣諭。並派員明白曉諭達什



策凌知之。

乙未。

諭添派兵丁駐劄科卜多。

上諭軍機大臣曰。成衮扎布等籌辦派兵防守各地方事宜。俱屬妥協。惟科卜多派兵五百名駐劄。尙屬不敷。彼處距阿爾台甚近。各厄魯特等游牧。相離不遠。著於控圭扎卜堪等處所駐兵丁內。派出五

百名。共兵一千名駐劄科卜多。以資彈壓。現命策布登扎布署理定邊左副將軍印務。卽著策布登扎布遵照辦理。

丁酉。

恩擢軍前効力侍衛英額爾圖等。

上諭軍機大臣曰。二等待衛英額爾圖。二等待衛六格。奉恩將軍松年。前鋒校扎爾畢善。虛銜藍翎春



布禮等。俱久在軍前効力。英額爾圖著授爲頭等侍衛。六格著授爲二等侍衛。松年著授爲護軍叅領。扎爾畢善。春布禮。俱著授爲藍翎侍衛。

戊戌。

命侍衛圖倫楚等領兵先赴伊犁。

上諭軍機大臣曰。據雅爾哈善等奏稱。自伊犁前來之察哈爾阿什達等告稱。聞阿巴噶斯等屬人及

布庫努特。扎哈沁人等與副將軍兆惠交戰。賊衆力不能敵等語。此信旣確。亟宜遣兵赴兆惠處應援。昨雅爾哈善等奏派侍衛圖倫楚等帶兵八百名先往。因兵數不多。是以降旨停止。仍令俟大兵齊集同進。今據阿什達所稱。不過窮感賊衆。原易勦滅。再得圖倫楚等領兵協助。甚合機宜。著卽照雅爾哈善等前奏辦理。毋庸停止。



內大臣博爾奔察等疏奏選派兵丁駝馬事宜。  
博爾奔察等奏言。臣等於十二月二十二日至  
烏里雅蘇台。傳

諭索倫副都統鄂博什等。選派兵丁。據稱現在所領  
兵丁酌量揀選。尚不足二千名。其派往擒拏青  
滾雜卜兵一千二百餘名。正月初旬可到。俟到  
時。卽照數派往。其現經揀選兵丁。已給與口糧

器械。卽日啓行。前赴巴里坤。再軍營所有馬匹。  
尚不敷用。已商同普慶阿思哈等。令親王得親  
扎卜遣員赴附近各部落揀選。應用給予價值。  
令其卽速解送。奏入報

聞。

巳亥

命授哈達哈爲叅贊大臣。駐劄科卜多地方。辦理事



命務。

諭綽羅斯汗噶爾藏多爾濟協擒逆賊事宜。

上諭噶爾藏多爾濟曰。巴雅爾哈薩克錫喇及回人  
莽噶里克等。負恩背叛。莽噶里克等供稱。與爾同  
謀。朕知爾受恩深重。必無從逆之事。今據雅爾哈  
善等奏聞。知爾於哈薩克錫喇等擾亂之前。卽遣  
人往諾爾布處。轉告知將軍兆惠。有身受國恩。斷

不從賊之言。爾能深明大義。輸誠報効。深堪嘉尚。  
已令爾從前來使固穆扎卜。隨將軍大臣前往。遣  
赴爾游牧地方。現在大兵前進。擒拏巴雅爾哈薩  
克錫喇等。爾能遣派所屬人等。協助將軍大臣。擒  
拏逆賊。朕自加以厚恩。並明白曉諭爾游牧內人。  
衆毋爲逆賊煽惑。自取罪戾。勉之。毋忽。  
命額林沁多爾濟之兄根扎卜多爾濟承襲貝子。



上諭軍機大臣曰。額林沁多爾濟貽誤軍務。應革去王爵。不准承襲。第念其祖父舊勲著加恩將伊王爵降爲貝子。令伊兄根扎卜多爾濟承襲。仍授爲扎薩克。

庚子。

諭定邊將軍成衮扎布等軍營事宜。

軍機大臣等奏言。臣等遵

旨將現在進兵事宜。悉心籌議。恭請軍機大臣等。皇上訓示後。錄交臣舒赫德帶往巴里坤。會同將軍成衮扎布妥協籌辦。查軍行馬駝等項。已屢次傳諭黃廷桂解送巴里坤。將軍成衮扎布等抵巴里坤時。所調北路索倫兵二千名。及吉林察哈爾兵各一千名。阿拉善兵五百名。陸續可到。以此兵力。擒剿逆賊。已足敷用。但賊衆或在一



處游牧。或散處額林哈畢爾噶等處。尙應臨時  
確查辦理。如同在一處。遵

旨令叅贊大臣富德領隊大臣阿里袞先行哨探。將  
軍成袞扎布統兵前進。若散處各地方。自應分  
兵進剿。現在調兵共四千五百名。更派巴里坤  
駐劄健銳營兵丁。及察哈爾兵五百名。每路用  
兵二千五百名。更屬有益。副將軍兆惠現在領

兵二千名。俟與大兵會合時。應令成袞扎布兆  
惠分爲兩路。帶同叅贊大臣等併力進剿。務期  
掃穴犁庭。以靖邊疆。兆惠處如有實心協力。隨  
大兵擊賊之厄魯特等。臨時確查。將伊屬人。作  
何安插之處。會同成袞扎布奏明辦理。再查各  
臺站。從前兼派厄魯特等。在臺差委。此次進兵。  
將在臺滋事各厄魯特等。盡行剿滅。嗣後惟派



察哈爾。或兼用綠旗兵丁。在臺差委。方爲妥協。又今春伊犁種地。應派綠旗兵丁。卽令巴里坤現駐綠旗兵二千名。隨同大兵前進。旣可以聯絡聲勢。並一路照看臺站。俟至種地地方。卽酌行存留。秋收後。運糧至大兵駐劄地方。支給糧餉。其厄魯特賊人。剿滅後。所餘老幼人等。悉照從前安插。無庸補放。圖什墨勒。扎爾呼齊。及得

木齊。收楞額。各員伊等所有馬駝。盡行收取。惟給與牛羊度日。或派令索倫兵丁管轄。編作旗分佐領。至駐劄大兵。應在額林哈畢爾噶。安濟。哈雅等處。臨時相機辦理。俾馬匹得以休息。明年再往擒拏阿逆。其各回部事宜。酌量遣人。亦於今年前往辦理。奏入。

上諭曰。所奏甚屬詳悉。俱應如所議行。第軍機須相



時而動。非可豫定。惟在將軍大臣等。和衷共濟。奮  
勇成功。兆惠領兵前來。若與成袞扎布同路進兵。  
辦理事宜。俱應以成袞扎布爲首。倘需兩路進兵。  
則兆惠專領前往。哈寧阿。永貴等。俱著在叅贊大  
臣上行走。但此時籌辦情形。兆惠等俱未深悉。著  
鄂實會同兆惠辦理。其兆惠所領兵丁。已久在行  
間。應添派兵一二千名。交額爾登額帶領。隨同兆

惠等進發。至所議索倫兵丁。前往新疆管轄厄魯  
特事宜。毋論遠道遷移。事屬未便。且索倫素屬驍  
勇。若與厄魯特聚處。勢必染其餘習。將來漸不可  
用。甚屬無益。其厄魯特賊人餘衆。應俱分賞綠旗  
兵丁。其實力協助大兵擊賊之人。仍加恩令其管  
轄所屬。不必更設圖什墨勒。扎爾呼齊等員酌量  
賞給總管品級。至前此厄魯特等擅行搶掠臺站。



皆由派伊等同管臺站所致。嗣後不必令伊等同  
在臺站當差。應指定地方。令其游牧。倘有潛入臺  
站地方之人。卽行查拏究治。其辦理各回部事宜。  
現在阿敏道尙在葉爾羌。未回軍營。著將軍等會  
同額敏和卓詳細商酌。或應再遣員前往曉諭。卽  
派前次托倫泰五十六前往。其波羅泥都霍集占  
二人。看來波羅泥都尙屬恭順。霍集占奸詐異常。  
應留心防範。相機辦理。著將此旨抄寄成衮扎布  
務期與軍營大臣等同心共勉。迅奏膚功。

恩擢軍營効力鄂里克塔等爲侍衛。

上諭軍機大臣曰。此次隨同達爾黨阿等進兵之鄂  
里克塔。寧固禮。滿柱。永安。畢拉爾海。俱著授爲三  
等侍衛。鄂里克塔。著賞給哈朗圭巴圖魯名號。滿  
柱。著賞給布哈巴圖魯名號。每人仍賞銀一百兩。



辛丑。

諭駐劄巴里坤辦事大臣雅爾哈善等確詢副將軍  
兆惠情形。

上諭軍機大臣曰。據雅爾哈善等奏稱。遣往策應兆  
惠之叅將邁斯漢回營。擒獲叛賊得木齊納遜及  
厄魯特齊巴克。默騰巴朗。額色木拜等四人。咸供  
兆惠現在被圍。是以仍令圖倫楚等前往策應等

命語。雅爾哈善等辦理甚合機宜。唯是邁斯漢等領  
兵前往。既經守備高天喜勦殺噶勒雜特哈薩克  
錫喇游牧人衆。并收獲駝馬等物。邁斯漢卽應更  
換駝馬。徑赴厄卜推濟爾噶朗等處。迎接兆惠。乃  
一聞被圍妄言。卽行退回。殊屬懦弱。著將邁斯漢  
革職。其叅將員缺。卽令奮勇効力之高天喜陞授。  
至納遜供稱。哈薩克錫喇於十一月十五日。已圍



將軍營盤之語。看來竟屬子虛。計和起與哈薩克  
錫喇交鋒。乃十一月初七日之事。曾未一旬。伊何  
能卽至彼處。至巴朗所供。尤屬荒唐。著雅爾哈善  
再行嚴加刑訊。務究實在情形。一面奏聞。一面卽  
將納遜等正法。  
癸壬寅。命拏解莽噶里克逆黨阿舒爾瑪特等來京治罪。

上諭軍機大臣曰。雅爾哈善等奏。拏獲莽噶里克偵  
探信息回人阿舒爾瑪特。并同來之三達色等語。  
阿舒爾瑪特爲莽噶里克偵探消息。已屬可惡。三  
達色身係滿洲。乃亦隨從探信。尤堪駭異。著傳諭  
黃廷桂將阿舒爾瑪特。三達色。并莽噶里克之子  
白和卓。卽速解送來京治罪。前已命傅魁帶兵。會  
同額敏和卓。辦理莽噶里克。着再傳諭傅魁。令其







